



Bosnia and Herzegovina
Federation of Bosnia and Herzegovina

CANTON SARAJEVO
Canton Development Institute

Broj: 05-036- 250/19
Sarajevo, 25.09.2019.god

Na osnovu člana 70. Zakona o organizaciji organa uprave u F BiH („Sl.novine F BiH“ br. 35/05), a u vezi sa članom 70. stav (1) i stav (4) Zakona o javnim nabavkama Bosne i Hercegovine („Službeni glasnik BiH“ br.39/14) nakon provedenog Otvorenog postupka javne nabavke usluga, a na osnovu Preporuke broj 03-033-775 /19 od 25.09.2019.godine i Izvještaja komisije za javnu nabavku, direktor Zavoda za izgradnju Kantona Sarajevo **d o n o s i**

ODLUKU

o poništenju postupka javne nabavke

- 1. Poništava se postupak javne nabavke usluga za „Usluge revizije poslovanja Zavoda za izgradnju Kantona Sarajevo za 2016. i 2017.godinu uz sveobuhvatnu analizu i procjenu vrijednosti nekretnina (stanovi i poslovni prostori)“, u skladu sa članom 69.stav (2) tačka d.) Zakona o javnim nabavkama BiH („Službeni glasnik BiH“ br.39/14) odnosno iz razloga što nijedna od primljenih ponuda nije prihvatljiva.**
- 2. Odbacuju se ponude ponuđača „Revizija Revita“ d.o.o. Cazin i „Grant Thornton“ d.o.o. Banja Luka u skladu sa članom 68. Stav (4) tačka i.) Zakona o javnim nabavkama BiH odnosno iz razloga što ponude navedenih ponuđača nisu potpune i ne ispunjavaju zahtjeve iz tenderske dokumentacije.**
- 3. Ova Odluka objavit će se na web-stranici Zavoda za izgradnju Kantona Sarajevo <http://zik.ks.gov.ba> istovremeno s upućivanjem ponuđačima koji su učestvovali u postupku javne nabavke, a u skladu sa članom 70. stav (6) Zakona o javnim nabavkama BiH.**

O b r a z l o ž e n j e

Na osnovu Odluke o pokretanju postupka javnog nadmetanja broj: 05-036-207/19 od 22.08.2019.godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju i objavio Obavještenje o nabavci broj: 285-1-2-53-3-68/19 na portalu javnih nabavki i objavio tendersku dokumentaciju za **“Usluge revizije poslovanja Zavoda za izgradnju Kantona Sarajevo za 2016. i 2017.godinu uz sveobuhvatnu analizu i procjenu vrijednosti nekretnina (stanovi i poslovni prostori)”** na portalu javnih nabavki u skladu sa članom 55. stav (1) tačka d) Zakona o javnim nabavkama BiH („Službeni glasnik BiH“ br.39/14) i članom 9. Stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“ br. 90/14, 53/15), te obavještenje za predmetnu nabavku objavio u „Sl. glasniku BiH“ br. 60/19 od 06.09.2019. godine

Iz izvještaja o preuzimanju tenderske dokumentacije preuzetog sa portala javnih nabavki na osnovu objavljenog obavještenja broj: 285-1-2-53-3-68/19 vidljivo je da je tendersku dokumentaciju preuzelo 16 (šesnaest) ponuđača.

Iz izvještaja Komisije vidljivo je da se Komisija sastala dana 16.09.2019.godine, radi preuzimanja i otvaranja ponuda za **“Usluge revizije poslovanja Zavoda za izgradnju Kantona Sarajevo za 2016. i 2017.godinu uz**





Bosnia and Herzegovina
Federation of Bosnia and Herzegovina

CANTON SARAJEVO
Canton Development Institute

sveobuhvatnu analizu i procjenu vrijednosti nekretnina (stanovi i poslovni prostori)”, koju su podnijeli ponuđači: „Revizija Revita“ d.o.o. Cazin i „Grant Thornton“ d.o.o. Banja Luka.

Komisija je otvorila ponude svih ponuđača i iz „Obrasca za cijenu ponude“ i „Obrazca za ponudu“ pročitala ponudenu cijenu ponuda, dok su rokovi izrade usluge, uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala. Na otvaranju ponuda bio je prisutan predstavnik ponuđača „Grant Thornton“ d.o.o. Banja Luka.

Komisija se ponovo sastala dana 17.09.2019.godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih usluga.

Komisija je konstatovala slijedeće:

Ponuđač „Revizija Revita“ d.o.o. Cazin dostavio je ponudu koja nije uvezana na način kako je to propisanom tačkom 14.5 predmetne tenderske dokumentacije. Komisija ugovornog organa je na javnom otvaranju ponuda zapisnički konstatovala da je ponuda ponuđača „Revizija Revita“ d.o.o. Cazin uvezana samo jemstvenikom. Tačkom 14.5. predmetne tenderske dokumentacije propisano je *da se pod čvrstim uvezom podrazumijeva ponuda ukoričena u knjigu (u knjigoveznicu) ili ponuda uvezana na bilo koji način (fascikla, spiralni uvez i sl.) uz obavezno osiguranje jamstvenikom, suhim žigom ili pečatom*. Kako ponuda ponuđača „Revizija Revita“ d.o.o. Cazin nije uvezana u skladu sa citiranim zahtjevom iz predmetne tenderske dokumentacije, Komisija je zauzela stav da se ponuda ponuđača „Revizija Revita“ d.o.o. Cazin odbaci u skladu sa članom 68. Stav (4) tačka i) Zakona o javnim nabavkama BiH odnosno iz razloga što ponuda nije potpuna i ne ispunjava zahtjeve iz tenderske dokumentacije.

Ponuđač „Grant Thornton“ d.o.o. Banja Luka je na strani 60. Ponude za ekonomskog procjenitelja (Nevena Milinković) dostavio Licencu za obavljanje profesionalno-stručne aktivnosti u zvanju ovlaštenog procjenjivača izdatu od strane Udruženja ovlaštenih procjenjivača u BiH (br. licence 251-320/19 od 01.01.2019.godine). Tačkom 13.4. b.) pod 2.) – tehnička i profesionalna sposobnost ponuđača, traženo je *da ponuđač u svom timu za usluge sveobuhvatne analize i procjene vrijednosti nekretnina (stanovi i poslovni prostori) treba da između ostalih članova tima, ima i jednog dipl. ecc. – ovlaštenog procjenitelja sa važećom licencom izdatom od nadležnog Ministarstva finansija u BiH. Na upit ponuđača na Portalu javnih nabavki ugovorni organ je dana 03.09.2019.godine dao obrazloženje da je za ugovorni organ prihvatljivo da ponuđači za dipl.ecc. – ovlaštenog procjenitelja dostave ovjerenu kopiju rješenja izdatog od strane Federalnog ministarstva pravde*. Kako na navedeni odgovor ugovornog organa ponuđači nisu imali daljih upita na predmetnu tendersku dokumentaciju, kao i na uslove propisane vezano za tehničku i profesionalnu sposobnost ponuđača, tenderska dokumentacija ostala je nepromijenjena u smislu izmjena profesionalnih uslova koje ponuđač mora ispuniti. Kako ponuđač „Grant Thornton“ d.o.o. Banja Luka nije dostavio dokaz u skladu sa tačkom 13.4.b.) pod 2.) predmetne tendeske dokumentacije, to je Komisija zauzela stav da se ponuda ponuđača „Grant Thornton“ d.o.o. Banja Luka odbaci u skladu sa članom 68. Stav (4) tačka i)





Bosnia and Herzegovina
Federation of Bosnia and Herzegovina

CANTON SARAJEVO
Canton Development Institute

Zakona o javnim nabavkama odnosno iz razloga što ponuda nije potpuna i ne ispunjava zahtjeve iz tenderske dokumentacije.

Komisija je predložila Ugovornom organu da se odbace ponude ponuđača „Revizija Revita“ d.o.o. Cazin i „Grant Thornton“ d.o.o. Banja Luka u skladu sa članom 68. stav (4) tačka i.) Zakona o javnim nabavkama BiH odnosno iz razloga što ponude navedenih ponuđača nisu potpune i ne ispunjavaju zahtjeve iz tenderske dokumentacije, te da se u skladu sa članom 69. stav (2) tačka d.) Zakona o javnim nabavkama BiH („Službeni glasnik BiH“ br.39/14) **poništi postupak** javne nabavke usluga za „Usluge revizije poslovanja Zavoda za izgradnju Kantona Sarajevo za 2016. i 2017.godinu uz sveobuhvatnu analizu i procjenu vrijednosti nekretnina (stanovi i poslovni prostori)“, obzirom da nijedna od primljenih ponuda nije prihvatljiva.

Komisija je sačinila Zapisnik o ocjeni 03-033-774/19 od 25.09.2019.godine koji čini sastavni dio ove Odluke, te koji će biti dostavljen ponuđačima koji su sudjelovali u predmetnom postupku javne nabavke.

Shodno navedenom odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu u pisanoj formi na Protokol ugovornog organa ili preporučenom poštom, u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 800,00 KM i podnosi se Uredu za razmatranje žalbi.

DIREKTOR:

Mirza Hulusić, dipl.ing.arh.

DOSTAVITI:

1. Revizija Revita d.o.o. Cazin 037/513-772
2. Grant Thornton d.o.o. Banja Luka 051/211-501
3. Služba za ugovaranje ZiK
4. a/a

